

TUSAGASSIUUTITIGUT NALUNAARUT

IT pillugu siunnersuisooqatigiit ersarinnerulusupput

IT pillugu siunnersuisooqatigiit 2005-imi siullermeerlutik ataatsimeeqqammerput. Aalajangiusaannut ilaavoq inuiaqatigiinnut ersarinnerulernissartik. Siunnersuisooqatigiit isumaqarput IT pillugu oqallinnerup immikkut ilisimasalinnit ingerlanneqaannarani inuilli kikkulluunniit akuuffigisaanik oqallittoqartarnissannut aqqutissieqataasinnaallutik.

Aaqqissuussaanermut Isumalioqatigiissitat internetimi innuttaasunik kiffartuussivinnik kommunit aaqqissuuteqqinneranni innersuussuteqarnerat isumalioqatigiissitamit isumaqataaffigineqarpoq. Siunnersuisooqatigiit isumaqarput inuit imminnut internet aqqutigalugu kiffartuussinnaanermik periarfissinneqarunik qarasaasiat internetillu atornissaannut piumassuseqarnerat annerulissasoq. Taamaattumik IT pillugu siunnersuisooqatigiit kissaateqarput inuiaqatigiit kalaallit IT pillugu paa-sissutissinneqartarnerat annertunerulersinneqarlunilu aaqqissuunneqartariaqartoq, taamaaliornikkut IT atorlugu periarfissarpassuarnik kikkulluunniit pitsaasumik ilisimasaqalernissaat periarfissikkumallugu.

IT pillugu siunnersuisooqatigiit aamma isumaqarput, innuttaasut IT-mik atorluaasinnaanerat inuit qarasaasiaqassusaannik internetillu atorneranut akinik aalajangersarneqartartoq. Taamaattumik siunnersuisooqatigiit Naalakkersuisunut siunnersuuteqarput Tele Greenland A/S inassuteqarfigineqassasoq internetimut akilersueriaaseq nutaaq eqquteqqullugu. Akilersueriaatsimut maannamut atuuttumut sanilliullugu atuutilersussatut siunnersuutigineqarpoq akinik appasissunik aalaakkaasunik atuutilersitsisoqassasoq, inuit internetimik atuinerulernissaat angujumallugu.

Siunnersuisooqatigiit ullumi ukunannga ilaasortaqarput:

Nukaraq Eugenius, siulittaasoq
Kattie Egede Motzfeldt
René Ljunggren
Jens Klaus Lennert
Peter Lorentz Nielsen
Therkel Mathiassen
Sune Rahn (taasisinnaanani)

Allattaavoq Ulrik Løvehjerte, IT pillugu politikikkut sulianik ataqatigiissaarisoq.

Paasissutissanik amerlanerusunik perusuttut uani aallersinnaapput **www.it.gl** imaluunniit ukununga attaveqarlutik: Ulrik Løvehjerte, tlf. 482253 imalt. Nukaraq Eugenius, tlf. 556227.

IT pillugu siunnersuisooqatigiit

Nuuk, 28.2.05